

揭陽縣志卷之二

建置志

邑有社有民城池以奠居公署以蒞政倉廩以備荒建置不容緩矣粵稽周公立制王都之外爲公邑私邑又其外爲縣鄙置掌固之官用修城郭凡以規保聚禦寇戎也揭邑沃野繡阡夙稱樂土然地有藍霖水通甌越向者九軍內擾臺寇外訌雖撤釣鰲之橋勞岳陽之版而林木池魚卒罹荼毒之慘前人所稱金墉仡仡者幾托空言耳夫安不忘危綢繆未雨守土責也官斯地者能勤其征繕以豫備不虞使趨事者率作受成庀材者善建不拔庶幾桑土謀深金湯形固矣志建置

城池

揭陽縣志

卷之二

建置 城池

一

城周圍一千六百丈高二丈三尺厚一丈六尺其門五北曰北門南曰南門東曰進賢門東南曰東門西曰西門水門四俗呼爲窖北曰北窖南曰南窖東南曰馬山窖西南曰吳西窖今塞 按揭自宋置縣舊未有城元至正十二年達魯花赤答不歹禦海寇始砌內石城二百丈外加土城八百餘丈十六年閩寇陳遂闢土城而廣之明初城仆濠堙天順四年海寇魏崇輝羅劉寧亂知縣陳爵拓城內之東北一百丈通三百丈高一丈五尺濶一丈四尺砌以石外城之西北七百餘丈通一千六百丈高一丈二尺濶一丈六尺成化二十三年七月流賊千餘人白晝入城劫庫放囚九月按察使陶魯檄通判吳璘督修宏治元年僉事陳英檄同知沈景量民產高下賦之傭工庀材甃石爲址高五尺上累以甃高七尺堞高三尺共一丈五尺修廣

皆如其舊費六千三百兩有奇未幾甃壞幾半四年知縣邵遵道議修復之旋以憂去十一年知縣敖公輔易甃以石女牆樓櫓爲之一新又費五千九百兩有奇役丁夫十數萬民頗勞怨正德三年縣丞陳琳大修之內外馬路各增二丈水脚隄以巨椿椿之內砌以長石石之縫以灰拌土而杵之灰土上面復縱橫其石城稱鞏固嘉靖七年主簿季本又重修內外腰城百餘丈馬路六百餘丈城樓窩鋪俱重修嘉靖三十四年沿海寇警嶺東道飭築四門月城萬歷十八年城垣坍塌知縣李檄重修增高城五尺天啓元年知縣曾應瑞於東北兩門上下建學宮重闢一門名進賢崇正二年因海寇屢警直抵城下知縣馮元颺銳意修葺週圍原設垛眼二千六百二十八個煙墩九座分七坊各設窩鋪安弁兵守禦另築銃櫃十一座於城下各

要處崇正五年知縣陳鼎新築銃城二座南坐觀音閣邊北坐馬牙羅家田界後俱毀於寇環城內外俱有深濠元至正間浚濠長一千六百丈闊一丈深入尺外濠一千六百餘丈闊二丈深一丈明宏治元年加砌以石十一年又修萬歷十八年又修迨我 國朝順治三年九軍賊亂塞進賢門康熙三十九年知縣蔡毓志重闢之雍正八年知縣陳樹芝以東關外西關外釣鰲橋兩旁灰窰有妨外濠令悉去之并培縣龍入首之脉通邑士民德之請勒石永禁焉

關隘

石磴飛泉徑在藍田都古置石馬營今廢

七城徑在藍田都古置獅頭營今廢

官碩徑在梅岡都長布礫內古置長布營今廢

北砲臺在桃山都與潮陽南砲台相對外連潮澄各海口內爲揭普諸水會歸處

青嶼汛在地美都與潮陽石井砲台相峙出口卽係大洋進口二十里係南北砲台潮陽門關司在其西爲南北砲台之門戶

墩台

康熙初因臺灣寇亂徙沿海居民於內地以杜奸宄揭陽屬去地美一都桃山半都并置排柵建墩臺康熙八年始弛海禁

康熙元年壬寅沿海建墩台一在鄒堂鄉距海一百一十里一在楓仙鄉距海一百一十五里一在古竹院距海一百三十五里一在塔岡距海一百四十里一在洪岡距海一百四十五里

康熙三年甲辰沿海續建墩台一在西淇鄉距海一百六十五里一在龍頭橋距海一百六十里

校場

揭陽縣志

卷之二

城池

三

舊校場在北門外距縣治三里地一百二十畝後侵於民宏治十年知縣敖公輔清之復建演武廳三間正德十一年毀於颶萬歷已未知縣曾應瑞重建後廢爲漏澤園

新校場在西門外距縣治三里崇正五年知縣陳鼎新捐銀四十二兩入錢買民田一十四畝創建一進三間兩旁廂房四間長一百五弓濶三十二弓計三千三百六十步

庄寨

磐石寨

陽盤寨

屏斗寨

金甌寨

金湯寨

補長尾寨

白馬寨

龍銃寨

河城寨

平山寨

宮貝寨

忠心寨

鳳塔寨

鳳歸寨

鼎潭寨

上坂寨

白銀古寨

後埔寨

棉湖寨

公署

縣署在宣化街宋紹興十年創建明成化間知縣謝寧嘉靖間主簿季本萬歷間知縣汪起鳳先後重修

牧愛堂嘉靖初知縣鄧祚建順治十三年燬於寇康熙十二年知縣張方聖重建雍正七年知縣陳樹芝重修

戒石亭乾隆四十二年知縣劉業勤重建
儀門雍正七年知縣陳樹芝重建

譙樓嘉靖間知縣王鳳重修順治十三年燬於寇康熙十二年知縣張方聖重建雍正七年知縣陳樹芝重建

後廨崇正間知縣馮元颯建

龍亭庫在主簿署右正德間知縣王國光建今廢

揭陽縣志

卷之二

公署

四

贊政廳在正堂左乾隆三十年知縣賀朝冕重修

架閣庫在正堂之右

監獄在儀門右嘉靖間主簿季本重建

德威堂爲後堂舊名清心又名節愛崇正間知縣馮元颯重建康熙十七年知縣廖鳴鳳修雍正七年知縣陳樹芝重修乾隆四十一年知縣劉業勤重修

凝香堂在二堂之左乾隆七年知縣張薰建

書房在後堂左乾隆二十四年知縣王鑒建

西圃書房乾隆三十九年知縣史易重修

縣住宅嘉靖間知縣林孜重建順治十三年燬於寇康熙十二年知縣張方聖重建雍正七年知縣陳樹芝重修

縣丞宅在幕廳之左嘉靖間縣丞曹森重建後裁主簿宅在正堂之右嘉靖間主簿季本重修後裁

典史宅舊在縣丞宅之南嘉靖間典史章瑗修今移在儀門外之左
乾隆四十年典史黃瀛重修

君子堂在主簿宅之東萬歷間知縣曾應瑞建崇正間知縣馮元颺修今廢

土地祠在儀門之左嘉靖間主簿季本重建

寅賓館在儀門之右萬歷間知縣陳時霖汪起鳳先後重建康熙十九年知縣廖鳴鳳重修

舖監在儀門之右崇正間知縣馮元颺建今廢

申明旌善兩亭在譙樓門外之左右嘉靖間知縣舒國光重建崇正

揭陽縣志

卷之二

公署

五

二年誤聽堪輿袁少寰析毀今申明亭移建進賢門內

迎恩亭在東門外鳳圍橋右廣五丈深七丈明季廢

鄉約所嘉靖間主簿季本創立萬歷間潘應龍建於宣北街雍正八年知縣陳樹芝重修并建宣講亭

北寨司巡檢署在藍田都岡頭山距縣治二十里洪武四年巡檢蔣雄創建正統四年移建梅岡都烏石山之南正德十二年老人史剛呈復舊址巡檢李紳沈瀛相繼創建後改建於桃山都炮台城內
乾隆二十四年重修

湖口司巡檢署舊在霖田湖口村洪武三年巡檢黃傳銘創建後移建於棉湖寨其初本南寨司也乾隆二十六年巡檢李成德重修
揭陽公館在府城東巷內原古瀛公廨爲通判舊署乾隆二十七年

知縣王鑒經詳明將廨右邊花廳箭道地基長二十四丈七尺寬三丈五尺修爲揭邑公館

潮鎮右營遊擊署在揭城內西巷坐北向南乾隆元年重修

潮鎮右營守備署在郡城西門街名賢祠之左康熙三十八年建

潮鎮右營千總署在揭城攀龍坊坐北向南

布政分司館在縣治宣化街坐西向東卽稅課局舊址深一十九丈界溝廣六丈五尺後入丈正堂後堂儀門外門各三間東西廂各一間川堂一間左右庖湍各二間正統四年知縣錢貴春正德間同知林廷模先後重建主簿季本修今建鄉約所西爲義倉東爲

潘侯祠

外向東舖六間以一間租銀一兩八錢餘守祠人以一間租銀一兩八錢祭潘侯祠餘四間共租銀六兩七錢附地租內作科舉生員卷資

嶺東道館在縣治東城內深二十六丈五尺廣八丈洪武七年知縣

揭陽縣志

卷之二

公署

六

唐宗義建天順中知縣陳爵修正德中毀於颶嘉靖十七年知縣薛炳王鳳先後重建爲堂三間左右房各一間堂前之左右廂各三門儀門外門各三間川堂一間左右庖湍各二間後堂三間左右爲房今廢

郡守館舊在城隍廟前宏治間知府葉元玉移建於雙峯寺南正德十年毀於颶後改爲東隅大館天啓二年奉文變賣以充邊餉

桃山驛丞署舊在桃山之麓前後堂各三間知縣王鳳重修後裁

陰陽學洪武十八年設在北市巷訓術石貴創建後徙宣化街東西一十四丈南北一十一丈尋徙於雙峯寺南後廢雍正七年復設

陰陽學訓術一員

醫學洪武十八年設訓科陳必慶借寓惠民藥局辦事正德中卽以

藥局爲訓科住址嘉靖七年燬於兵

僧會司舊在雙峯寺之左洪武十六年僧玉田創建後廢雍正七年復設僧綱司一員

道會司舊在馬山窖西元妙觀內洪武十六年創建二十八年道會李復移建於朝天坊東嶽廟之右後廢雍正七年復設道紀司一員

惠民藥局在南市巷口之北藥井二天順中燬於兵舊址爲坊民侵佔僅存北址六丈一尺南址五丈六尺東西各五丈六尺今亦佔爲民房

養濟院在朝天坊成化間知縣謝寧建嘉靖間知縣舒國光重建雍正七年知縣陳樹芝重修深二十丈廣五丈五尺乾隆四十二年

揭陽縣志

卷之二

公署

七

知縣劉業勤重修

收養孤老男婦丁口每人歲支冬夏布各一疋月支米三斗柴三十觔

育嬰堂在朝天坊乾隆三十六年知縣龍廷泰奉文建

癩民所在縣東門外乾隆四十二年知縣劉業勤重修

漏澤園舊有三所一在東門外之南一在北門外之右一在西門外之南俱侵沒於民嘉靖初知縣林孜卽北門外厲壇改置深三十丈廣一十五丈

楊厝菴義塚一所被水衝壞乾隆三十四年知縣劉業勤捐築灰堤九十丈堵截水勢墳免冲陷

進賢門外義塚一所乾隆四十二年知縣劉業勤捐修

黃岐山麓義塚一所乾隆四十二年知縣劉業勤新置并豎石定界倉廩

際留倉舊在儀門左嘉靖間主簿季本移建於右其在桃山與今屬澄海之鯉浦者俱廢在藍田下潮村者爲民所侵

預備倉一在雙峯寺一在東嶽廟一在城隍廟邊嘉靖間知縣舒國光王鳳先後重建後俱廢康熙三年知縣胡鶴翥以在城隍廟邊之倉改爲雷神廟及龍起院有碑記見藝文

察院義倉在鄉約所內西隅萬歷間御史劉曾建後倉廢地存

儒學倉舊在學儀門左久圯嘉靖間主簿季本移建于饌堂左右爲養士用今廢

常平倉一所在縣署之西隅康熙十八年知縣廖鳴鳳建

常平倉在縣署之東共三十三間雍正六年知縣陳樹芝奉文建并置羈候所架閣贊政廳共九間

揭陽縣志

卷之二

公署

八

富有倉在縣署東原嶺東道公館乾隆二年知縣張薰奉文改建倉廩三十九間收貯捐監穀六萬石

已上倉共一百二十四間額穀六萬五千四百四十八石零屯羨穀一萬一千四百七十一石零

大有倉在縣治西門內共二十一間門樓三間公廳一間坐北向南週圍築墻五十一丈乾隆四年知縣張薰奉文建存貯在城盤溪漁湖官溪四都社穀

社倉

桃山地美兩都倉二座五間在桃山砲台城內乾隆二十三年知縣趙長民建三間二十六年知縣王瑩捐建二間存貯額穀二千九十石零

梅岡都倉二座五間在福洋鄉乾隆二十三年知縣趙長民建三間
二十六年知縣王壑捐建二間存貯額穀一千九百八十六石零
藍田都社倉二座五間在新亨埠乾隆二十三年知縣趙長民建三
間二十六年知縣王壑捐建二間存貯額穀一千一百八十七石
零

霖田都倉二座五間在白虎廟乾隆二十三年知縣趙長民建三間
二十六年知縣王壑捐建二間存貯額穀二千七百二十二石零
在城磐溪兩都額穀存貯縣城大有倉額穀一千七百九石零

漁澳官溪兩都穀存貯縣城大有倉額穀一千二百九十二石零
已上各倉共貯額穀一萬九百八十九石九斗零乾隆四十三年
息穀七千五百九十九石零合額息穀共一萬八千五百八十九

揭陽縣志

卷之二

公署

九

石零

捐社穀數

康熙六十年知縣孫公瑜捐穀二百石

乾隆二十三年知縣趙長民捐穀二百石

乾隆二十六年知縣王壑捐穀二百石

雍正四年紳士捐穀二千五十一石

乾隆四年紳士捐穀五千三百一十七石

乾隆二十六年紳士捐穀三千二十石零

通共捐社穀一萬九百八十九石九斗零

鋪遞

縣前總鋪在宣化街舊設兵八名今裁存四名以一名專司收發三

名分遞上下公文

漁湖鋪在鍾厝洋舊設兵四名裁存二名距總鋪十里

官溪鋪在漁湖都鳳坡舊設兵四名裁存二名距鍾厝洋十里

桃山鋪在驛右舊設兵六名裁存三名距官溪鋪十五里上三鋪至

此鋪分遞往省城遞至潮陽水頭鋪往府城遞至登岡鋪

登岡鋪在桃山都舊設兵四名裁存二名距桃山鋪十里專遞府城
鳳翥鋪在桃山都十里至海陽縣迴野鋪舊設兵四名裁存二名專

遞府城

錢岡鋪在地美都

揭陽縣志卷之二

學校

傳曰官能宿業教之所興官苟非人教之所廢是故庠序學校後世非不沿而襲也求如文翁之治蜀郡胡瑗之教蘇湖渺乎未有聞焉夫學之染人甚於丹青聖人之道淡而寡味操風化之柄者宜如何鼓舞使抱質含文之士無愧德造之選乎不然徒視爲具文漫無振作詩書止筌蹄俎豆亦芻狗於教養之義何居

文廟

大成至聖先師孔子位

歷朝皆塑像至明嘉靖間始通撤像易木主凡崇聖四配兩廡

揭陽縣志

卷之二

學校

一

皆然至今沿之○按漢平帝追謚孔子爲褒成宣尼唐太宗定孔子爲先聖明皇封孔子爲文宣王宋眞宗加稱至聖元武宗加號大成至聖文宣王明嘉靖九年改稱至聖先師孔子改大成殿爲文廟 國朝順治二年稱大成至聖先師孔子始合唐宋元明之稱謚康熙二十八年頒萬世師表匾額雍正三年頒生民未有匾額乾隆三年頒與天地參匾額並對聯氣備四時與天地日月鬼神合其德教垂萬世繼堯舜禹湯文武作之師

四配

復聖顏子

封公 兗國

宗聖曾子

封公 鄒國

述聖子思子

封公 沂國

亞聖孟子

封公 鄒國

十二哲

舊止十哲康熙五十二年升朱子西哲末位乾隆三年升有子東哲末位共十二哲

東六哲

閔子損魯人封

端木子賜衛人封

卜子商衛人封

西六哲

冉子耕魯人封

冉子求魯人封

顓孫子師陳城人封

先賢東廡三十九人

揭陽縣志

卷之二

學校

二

蘧 瑗字伯玉衛大夫封內黃侯

原 憲字子思宋人封單父侯

商 瞿字子木魯人封須昌侯

司馬耕字子牛宋人封睢陽侯

冉 孺字子產魯人封臨沂侯

冉 季字子產魯人封諸城侯

漆雕哆字子敬魯人封濮陽侯

任不齊字子癯楚人封尙陽侯

公肩定字子中魯人封梁父侯

罕父黑字子索魯人封祈鄉侯

左人郢字子行魯人封南華侯

冉子雍魯人封

仲子由魯人封

有子若魯人封

宰子予魯人封

言子偃吳人封

朱子熹婺源人封

澹臺滅明字子羽武城人封金鄉侯

南宮适字子容魯人封海陽侯

漆雕開字子開魯人封平興侯

梁 鱣字叔魚齊人封千乘侯

伯 虔字子析魯人封沐陽侯

漆雕徒父字子有魯人封高苑侯

公西赤字子華魯人封鉅野侯

公良儒字子正陳人封中牟侯

鄒 單字子墨魯人封聊城侯

榮 旂字子祺魯人封厭次侯

鄭 國字子徒魯人封胸山侯

原 亢 封字子平籍魯人

叔仲會 封字子期魯人

邾 異 封字子敏魯人

陳 亢 封字子南頓侯陳人

秦 非 封字子華亭侯魯人

顏 何 罷祀今魯人明

樂正克 弟孟子

周敦頤 字茂叔道州公

邵 雍 字晦夫涿州人封新安伯

先賢 西廡三十八人

林 放 封字子休魯人

揭陽縣志 卷之二

學校

三

廉 潔 封字子庸衛人

公西與如 封字子胸侯魯人

琴 張 封字子開衛人

步叔乘 封字子車齊人

顏 噲 封字子聲魯人

縣 亶 正字子夷罷祀雍

萬 章 弟孟子

程 顥 字伯淳洛陽人封豫國公

宓 齊 封字子賤魯人

公皙哀 封字季次魯人

樊 須 封字子遲魯人

巫馬施 封字子期魯人

曹 卣 封字子循蔡人

秦 商 封字子不魯人

穰駟赤 封字子徒秦人

公夏首 封字子乘魯人

奚容蒧 封字子哲魯人

句井彊 封字子野衛人

縣 成 封字子祺魯人

燕 伋 封字子思秦人

石作蜀 封字子明秦人

后 虔 封字子里齊人

顏 祖 封字子襄魯人

秦 祖 封字子南魯人

公祖句茲 封字子之魯人

顏 高 封字子驕魯人

公孫龍 封字子石楚人

辛 辛 封字子穀魯人

澤 澤 封字子季魯人

柴 柴 封字子共衛人

公治長 封字子長魯人

樂

效

字子聲秦人

狄

黑

字子哲衛人

孔

忠

字子聰城侯

公

西

字子倚魯人

顏

之僕

字子叔魯人

施

之常

字子恆魯人

申

枏

字子周魯人

左

邱明

魯人封

秦

冉

字開蔡人

牧

皮

之力後牧

公

都子

孟子弟

公

孫丑

齊人弟子

張

載

字子厚鄆伯

程

頤

字正叔洛陽公

先儒

東漢二十三人

穀

梁赤

字元始周末魯人

伏

勝

字賤曾孫秦伯

后

蒼

字近君漢東海人

董

仲舒

字廣川間伯

杜

子春

字季氏師人

范

甯

字武子晉鄆陵人

揭陽縣志

卷之二

學校

四

韓

愈

字唐休武人

范

仲淹

字希文宋吳縣人

胡

瑗

字翼之海陵人

楊

時

字中將樂伯

羅

從彥

字仲素劍州人

李

侗

字愿中劍浦人

張

栻

字敬夫陽侯竹人

黃

幹

字直鄉閩縣人

真

德秀

字希元福建人

何

基

字子恭金華人

趙

復

字仁甫元德安人

吳

澄

字幼清崇仁人

許

謙

字益之東陽人

王

守仁

字伯安明餘姚人

薛

瑄

字德溫河津人

羅

欽順

字元升秦和人

陸

隴其

字穆平湖國人

先儒

西漢二十三人

公

羊高

字臨備伯人

孔

安國

字子國封曲阜伯

毛 萇 漢何閭人字長公封樂壽伯

高堂生 漢時魯人字模之封萊蕪侯

鄭康成 東漢高密人封高曉伯

諸葛亮 漢南陽人封武鄉侯

王 通 字仲淹隋河津人

司馬光 字君實宋夏縣人封溫國公

歐陽修 字永叔廬陵人

胡安國 字康侯崇安人封建寧伯

尹 燾 字彥明河南人

呂祖謙 字伯恭東萊人封開封伯

蔡 沉 字仲默建陽人封崇安伯

陸九淵 字子靜金谿人

王 栢 字會之金華人

魏了翁 字華甫蒲江人

陳 淳 字安卿龍溪人

許 衡 字平仲元河南人封魏國公

金履祥 字吉甫蘭谿人

陳 澹 字可大都昌人

陳獻章 字公甫明新會人

胡居仁 字叔心餘干人

蔡 清 字介甫晉江人

揭陽縣志 卷之二

學校 五

崇聖祠

雍正元年癸卯晉封孔子五代王號改啓聖爲崇聖二年甲辰增橫渠父張迪從祀

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

配 位 顏無繇 封曲阜侯

孔 鯉 封泗水侯

曾 點 字子皙曾子父

孟孫激 字公宜孟子父

從 祀 程 珦 字伯溫二程父

朱 松 字喬年朱子父

蔡元定 字季通 宛父

周輔成 字伯大 周子父

張迪 張子父

正殿陳設

帛一 白色 白磁爵三 牛一 羊一

豕一 登一 太羹 鉶一 和羹 簠一 黍稷

簋二 稻粱 籩十 白餅 棨 黑餅 形 豐

麋魚 鹿脯 豆十 脾肝 鹿醢 鹿醢

兔醢 芹 魚醢 笋 醢 酒罇一

四配陳設每位一案

帛一 白磁三爵 羊一 豕一 鉶一

簋二 簋二 籩八 豆八 酒罇一

揭陽縣志 卷之二 學校 六

十二哲陳設東六位六案 西六位同

帛一 白磁爵各一 豕一 羊一 鉶各一

簋各一 簋各一 籩各四 豆各四

東廡陳設三案 西廡同

帛一 銅爵各三 豕三 簠各一 簋各一

籩四 豆四

崇聖祠正位陳設五案

帛一 白磁爵三 羊一 豕一 鉶一

簋二 簋二 籩八 豆八 酒罇一

配位陳設每位一案

帛一 銅爵三 簠一 簋一 籩四 豆四

豕肉一

豕首一

東廡陳設

西廡同

帛一

每位銅爵三

簋一

簋一

籩四

豆四

豕肉一

新樂章

乾隆八年部頒

迎神樂奏咸平之章

無舞

大哉孔子先覺先知與天地參萬世之師祥徵麟紱韻答金絲日月
既揭乾坤清夷

初獻樂奏寧平之章

有舞

予懷明德玉振金聲生民未有展也大成俎豆千古春秋上丁清酒
既載其香始升

揭陽縣志

卷之二

學校

七

亞獻樂奏安平之章

有舞

式禮莫愆升堂再獻響協鼗鏞誠孚疊獻肅肅雍雍譽髦斯彥禮陶
樂淑相觀而善

終獻樂奏景平之章

有舞

自古在昔先民有作皮弁祭菜於論思樂惟天牖民惟聖時若彝倫
攸叙至今木鐸

徹饌樂奏咸平之章

無舞

先師有言祭則受福四海黌宮疇敢不肅禮成告徹毋疏毋瀆樂所
自生中原有菽

送神樂奏咸平之章

無舞

鳧繹峨峨洙泗洋洋景行行止流澤無疆聿昭祀事祀事孔明化我

蒸民育我膠庠

正殿祝文

部頒

惟先師德隆千聖道冠百王揭日月以常行自生民所未有屬文教
昌明之會正禮和樂節之時辟雍鐘鼓咸恪薦於馨香泮水膠庠益
致嚴於籩豆茲當仲秋春祇率彝章肅展微忱聿陳祀典以復聖顏子
宗聖曾子述聖子思子亞孟子配尚饗

崇聖祠祝文

部頒

惟王奕葉鍾祥光開聖緒盛德之後積久彌昌凡聲教所覃敷悉循
源而溯本宜肅明禋之典用申守土之忱茲屆仲秋春聿修祀事配以
先賢顏氏先賢曾氏先賢孔氏先賢孟氏尚饗

樂器

揭陽縣志

卷之二

學校

八

麾幡

一首

金鐘

口十六

玉磬

面十六

琴

六張

瑟

四張

排簫

二架

塤

一箇

篪

一箇

搏拊鼓

二座

應鼓

一面

簫

六枝

笙

六枝

笛

六枝

祝

一座

敔

一座

舞器

引樂旌節

二首

籥

三十六枝

翟

三十六枝

樂生五十人

舞生三十六人

執旌二人

凡八十八人俱堂

上之樂

其序則麾生一人立神位左西向

次左祝右敔

左右搏拊鼓東西對立

次琴六人左者以次而東右者以次而

西俱北面立

次左右瑟各一

次左右笙簫笙在內簫在外

次左右塤篪鳳簫及笛亦以次而東西皆北向立於笙簫之後

次左鐘右磬

又次應鼓居其左焉

禮器考

篚 竹爲之古用不一以奠爵以承食膳以置玉幣今單以承幣蓋詩鹿鳴序實幣帛篚篚之遺意也

爵 明堂位曰夏以棧商以斚周以爵爾雅鍾小者爲棧卑而淺故棧象璣而爵象雀而斚有耳按禮書禽小者名爵火細者名燭其義皆取小因著爲飲戒洪氏曰太常爵制兩柱三足隻耳侈口

坫 以置爵亦以承尊陸氏曰古者爵有承盤坫與豐是也施於燕射曰豐木製漆赤中畫赤雲氣

登 似豆而高大用薦太羹

鉶 用薦和羹

揭陽縣志

卷之二

學校

九

簠 簋 皆盛黍稷之器簠方簋圓刻木爲之古用陶器後世範金爲之

籩 豆 籩古今皆竹製惟豆製不同夏楬豆殷玉豆周甌豆又魯玉豆雕簋又或以瓦或以銅郊特牲曰鼎俎奇而籩豆偶陰陽之義也籩豆之實水土之品也籩盛棗栗之屬豆盛菹醢之屬

雲雷尊 尊酒器紐以螭首腹畫雲雷回旋之狀用貯初獻酒象尊 取形於象範金爲之穴背受酒覆以蓋用貯亞獻酒

犧尊 犧牛形範金爲之穴背受酒於腹覆以蓋用貯終獻酒勺以酌酒者夏龍勺殷疏勺周蒲勺龍藏淵蒲生水疏有導引意今刻首爲龍夏制也

鼎 鑪也以焚香

俎 載牲之器明堂位曰周以房俎郭注云房謂足下枌也孔疏云俎頭各有兩足足下各別爲枌其間有橫橫似堂壁橫下二枌似堂東西各有房也詩魯頌曰籩豆大房箋云玉飾豆也兩端朱漆中央黑

罍 洗 皆所以盥也罍盛水洗受棄水惡穢地也舊圖罍畫雲龍洗畫水文菱花今博古圖罍爲饕餮雷文洗畫龜龍祭品釋

太羹 煮肉汁不用鹽醬

和羹 用菜料和肉汁加鹽醬一云用豬腰羊腎肉造黍稷稻粱 俱蒸爲飯

揭陽縣志

卷之二

學校

十

形鹽 用鹽池中日久結成虎形者今以白鹽印虎形代之藁魚 乾魚也

白餅 小麥麵造內用沙糖爲餡印作圓龍餅子

黑餅 蕎麥麵造亦肉餡印形

菹 亦作菹酢菜也切去本末取中數寸粗熟之

菁 蔓菁菜

醢 肉細切加調和者今人用鹽酒葱椒蒔蘿茴香香拌勻如醬按蒔蘿一名小茴香實如馬芥

脾肝 肝宜作析用牛百葉切細條沸湯撈過鹽酒拌勻

豚胎 胎宜作拍豚肩膊上取肉生用

丁祭儀注

部類

前期二日齋戒前壹日承祭官率陪祭官赴 文廟階下行壹跪三叩禮條器視牲瘞毛血至期黎明衣朝衣齊集行禮由西門入分獻陪祭各官兩房門序立贊引生導承祭官至盥洗所盥手畢引至臺階下立典儀唱樂舞生就位執事生各司其事承祭分獻陪祭官各就位迎神奏咸平之樂行三跪九叩禮樂止奠帛爵行初獻禮奏寧平之樂贊引承祭官由東上進左門詣

至聖先師位前行一跪一叩禮獻帛立獻爵行一跪一叩禮詣讀祝位跪樂止各官皆跪讀祝文官行三叩首禮詣復聖顏子神位前行一跪一叩禮奠帛獻爵次詣宗聖述聖亞聖位如前儀其十二哲兩廡分獻官俱如前儀禮畢各復位行亞獻禮奏安平之樂升壇如初獻儀各復位立樂止行三獻禮奏景平之樂升壇如亞獻儀各復位

揭陽縣志

卷之二

學校

十一

行飲福受胙禮承祭官至殿內執事者捧酒胙至正位案前跪飲福酒受福胙叁叩首興復位行叁跪九叩禮徹饌奏咸平之樂樂止送神作樂亦名咸平行三跪九叩禮捧祝帛饌各立燎所望燎焚祝帛樂止禮畢

崇聖祠祭 將有事於先師則先釋菜於崇聖祠儀注同名宦鄉賢祠同時分祭儀注同兩廡三跪九叩禮

文廟始末考

按文王世子凡始立學者必釋奠於先聖先師古者治教不分以舜禹湯文爲先聖而先師則左右四聖之臣成其德業者故先聖之名尊於先師自天下通祀孔子而舜禹湯文之祀廢魯哀公十七年立廟孔子舊宅漢高帝十二年過魯以太牢祀孔子漢平帝

元年追謚孔子爲襄成宣尼公漢明帝永平二年以周公孔子並祀於郡縣學魏晉六朝或封公封侯或祭於辟雍其停周公專祀孔子定孔子爲先聖顏子爲先師令天下立廟四時致祭則唐太宗貞觀初年始也然武成王廟與文廟東西並峙猶未盡尊崇之義也封孔子爲文宣王自唐明皇開元二十七年始也加稱至聖自宋眞宗大中祥符五年始也加號曰大成至聖文宣王自元武宗至大元年始也明洪武二十年罷武成王廟改稱曰至聖先師孔子自嘉靖九年從大學士張璁之議也文廟門之立戟或十六或二十四自宋太祖建隆二年與徽宗政和元年也殿名大成自徽宗崇寧四年也改大成殿爲文廟戟門爲文廟門天下學宮通撤像易木主亦明嘉靖九年從張璁議也洪武十五年易木主僅

國子監耳自漢迄元皆塑像也加冕旒桓圭自宋眞宗大中祥符元年始也其後徽宗加十二旒服九章執鎮圭金世宗又加六章祀孔子以六代之樂者自漢章帝元和二年始也以顏淵配享自魏主芳正始二年始也以曾參配享自唐高宗總章元年始也以孟子配享自宋神宗元豐元年始也以子思從祀自宋徽宗大觀二年始也以顏曾思孟並享自宋度宗咸淳三年始也加復聖宗聖述聖亞聖公元文宗至順二年也去公稱子者明嘉靖九年張璁議也以十哲從祀自唐元宗開元八年始也升子張補十哲之闕亦自咸淳三年也弟子之得追贈亦自唐高宗總章元年始也其封公侯伯始於唐開元二十七年及宋眞宗大中祥符二年度宗咸淳三年也以左邱明卜子夏公羊高穀梁赤伏勝高堂生戴

聖毛萇孔安國劉向鄭衆杜子春馬融盧植鄭康成服虔賈逵何休王肅王弼杜預范甯二十二賢從祀自唐太宗貞觀二十一年始也以荀況楊雄韓愈從祀自宋神宗元豐六年始也以張栻呂祖謙從祀自景定二年以邵雍司馬光從祀自度宗咸淳三年以許衡從祀元仁宗皇慶二年也洪武二十九年以董仲舒從祀宣德十年以吳澄從祀正統二年以胡安國蔡沉真德秀八年以楊時從祀嘉靖九年增后蒼王通歐陽修胡瑗陸九淵隆慶九年以薛瑄從祀萬歷十二年以王守仁陳獻章胡居仁從祀四十二年以羅從彥李侗等從祀皆從言臣之請也叔梁紇宋封公元封王令天下學校通建啓聖祠自嘉靖九年始也以顏無繇曾點孔鯉孟孫激配享宋程珦朱松蔡元定周輔成從祀子不先父食之義

揭陽縣志

卷之二

學校

十三

也洪武元年詔天下儒學各建先賢祠左祀賢牧右祀鄉賢春秋附祭令各分祀改稱名宦鄉賢者則成化中特典也祭期定於春秋二仲自唐明皇開元二十八年始也有司薦享自北魏主濬始也月朔行香自北齊顯祖天保元年始也貢士釋褐謁廟自開元二十六年始也立學校聖裔自宋眞宗始也升朱子於十哲 國朝康熙五十一年入祀范仲淹於兩廡自康熙五十四年也加封先聖五代爲王則自雍正元年也明嘉靖九年改祀先賢先儒於鄉者七人林放蘧瑗鄭康成鄭衆盧植服虔范甯洪武二十九年黜楊雄宏治八年黜吳澄嘉靖九年黜公伯寮秦冉顏何申棖荀况戴聖劉向賈逵馬融何休王肅王弼杜預十三人其議復林放蘧瑗秦冉顏何鄭康成范甯六人增祀縣亶牧皮樂正子公都子

萬章公孫丑諸葛亮尹焞魏了翁黃幹陳淳何基王柏趙復金履祥許謙陳澔羅欽順蔡清陸隴其二十人以張迪入配崇聖祠俱雍正二年也升有若入十哲復吳澄祀兩廡則乾隆二年從吏部尙書甘汝來請也

名宦祠

祭品同兩廡

漢揭陽令封安道侯史定

明揭陽知縣擢都司斷事唐宗義

明揭陽知縣沈仲德

明揭陽知縣徐資用

明揭陽知縣擢韶州府知府陳爵

明揭陽知縣行取主事陳睿

揭陽縣志

卷之二

學校

十四

明揭陽主簿長沙府知府季本

明揭陽知縣歷廣西按察使彭文質

明揭陽儒學教諭鄭昇

明揭陽儒學教諭陞本縣知縣林大經

明揭陽知縣擢江西道監察御史潘維岳

明揭陽典史歷左都御史諡忠憲高攀龍

祝文

卓哉羣公懋修厥職澤被生靈功垂社稷茲屆仲

春秋

特申告祭尙饗

鄉賢祠

祭品同兩廡

漢安成長吳錫

宋知梅州軍事陳希伋

宋汀州府通判黃煥國

宋東莞縣知縣王中行

宋處士吳復古

宋文學郭叔雲

明河間府通判林祖

府祀鄉賢祠

明太僕寺丞王昂

明太僕寺少卿吳裕

明淮府長史贈太常寺少卿莊典

明慶遠府儒學教授黃勳

明山西道監察御史楊璵

明雲南巡按御史鄭一初

揭陽縣志

卷之二

學校

十五

明漳州府通判潘文明

明興化府知府黃一道

明國子監學正贈戶科給事薛俊

明行人司正贈河南道御史薛侃

明戶部給事贈光祿寺卿薛宗鎧

明兵部尚書贈太子太保謚襄敏翁萬達

明蕪湖縣知縣王軾

府祀鄉賢祠

明戶部主事陳思謙

明安化縣知縣劉漢

明江華縣知縣吳繼喬

明嚴州府同知楊維執

明福建按察使黃國卿

明貴州左布政使鄭旻

明思恩府儒學訓導陳璵

明楚藩左長史孫春芳

明庠生贈福建提學副使郭明作

明庠生贈行人司行人羅拱暘

明贈生贈遵義縣知縣許有豐

明州同贈福建提學副使郭應試

明歲貢生贈天津道參議王玉振

國朝貢生贈職方司郎中楊昌時

國朝處士贈太原縣知縣許茂繁

揭陽縣志

卷之二

學校

十六

國朝處士贈三水縣教諭謝如晦

祝文

於惟羣公孕秀茲邦懿德卓行奕世流芳茲當仲

秋春

特申祭告尙饗

忠義孝弟祠

雍正六年奉文動項與節孝祠並建堂廡門樓牌坊如制祀闔邑已故忠義孝弟之人設主其中并將姓名表揭牌坊之上每歲有司春秋致祭祭品部頒用帛一爵三豕一羊一行三獻四拜禮儀注與鄉賢祠同

明行人司正贈河南道御史薛侃

明戶科給事贈光祿寺卿薛宗鎧

明淮藩長史贈太常寺少卿莊典

明孝子周則義

明孝子周孝

明孝子翁孟統

揭陽縣志

卷之二

學校

十七

明孝子王實

明孝子鄧植

國朝孝子孫徽

國朝孝子黃顯生

國朝孝子孫如錦

國朝孝子謝名選

國朝孝子孫天鳳

國朝孝子林雲翊

國朝孝子呂存恆

國朝孝子黃大錡

國朝義士林鴻冕

國朝義士薛然

按孫天鳳林雲翊呂存恆黃人錡四人舊志俱載其割股事親未經題達今祠中置位似屬無稽但事雖類於輕生心實緣於深愛故仍其舊而姑存之

祝文 部頒

維靈稟賦貞純躬行篤實忠誠奮發貫金石而不渝義問宣昭表鄉閭而共式祗事懋彝倫之大性摯莪蒿克恭念天顯之親情殷棣萼楷模咸推乎懿德綸恩特闡其幽光祠宇維隆歲時式祀用陳罇簋來格几筵尙饗

明臥碑 洪武十一年

一國家明經取士說書者以宋儒傳註爲宗行文者以典實純正爲

揭陽縣志

卷之二

學校

十八

尙今後務將頒降四書五經性理通鑑綱目大學衍義歷代名臣奏議文章正宗及歷代誥律典制等書課令生徒誦習講解其有剽竊異端邪說炫奇立異者文雖工弗錄

一天下利病諸人皆許直言惟生員不許今後生員本身切已事情許家人抱告其事不干已輒便出入衙門以行止有虧革退若糾衆扛幫罵詈官長爲首者問遣餘盡革爲民

一習舉業卽窮理之一端四書經文策論務要說理詳明不許浮夸怪誕記誦舊文意圖僥倖

一生員考試不諳文理者廩膳十年以上發附近充吏罷黜爲民未及六年發社

一有司朔望行香迎至明倫堂講書

一各省廩膳科貢各有定額南北舉人名數亦有定制近來奸徒利他處人才寡少詐冒籍貫或原係娼優隸卒之家及曾經犯罪問革變姓易名僥倖出身訪出拿問

國朝臥碑

順治九年

一生員之家父母賢智者子當敬父母愚魯或有非爲者子既讀書明理當再三懇告使父不陷於危亡

一生員立志當學爲忠臣清官書記所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者適以自殺其身常宜省思

揭陽縣志

卷之二

學校

十九

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不可輕入只有切已之事止許家人代告不許干與他人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

揭陽縣廩增附名數

廩增缺各二十名歲試原額入學文童十五名武童十五名文童科試入學十五名雍正三年廣額五名共二十名乾隆三年建豐順縣乃割二名入豐順今額定十八名府學歷撥二三名

按撥府向俱隨縣學撥定同時招覆自乾隆二十八年學政張模變易舊章乃俟各縣考畢始行分撥借通校之文以行其胸臆由是童生苦於守候各縣多寡失均近有貧寒遠涉無力守候至撥府招覆時遲到片晌卽以違誤黜革者士咸以作俑追恨之

雍正五年令紳士常服各加帽頂以別貴賤 詔居家孝友行止端方可辦事而文亦可觀者一學各舉一人

雍正十三年准從前考進別籍貢監生員呈首改歸本籍

乾隆元年 特開博學鴻詞科 給高年八品頂帶

揭陽縣志

卷之二

學校

二十

乾隆十一年七月禁革應試童生卷價八月 諭學政考試卷價自

雍正十一年經部議定每本值三分令提調自行辦置嗣後童生府州縣以及院試卷價令依部例

乾隆十四年 詔舉經學不拘進士舉人諸生以及退休閒廢人員薦舉送部

學宮沿革

儒學在縣治東宋紹興十年置縣卽建學淳祐六年知州軍事陳圭重修景炎三年毀於兵元代重建明洪武三年知縣唐宗義訓導全太冲重修天順七年知縣陳爵買民地以廣其基今學基北抵北門街官橋南盡學前街東西界以溝水深一百三十五丈廣一十九丈八尺嘉靖十八年殿堂祠宇門齋五廨毀於颶知縣胡景

華主簿季本知縣彭文質先後重修萬歷二年知縣林大經又修之明季廢

先師廟舊稱大成殿在明倫堂前永樂二十年知縣徐資用重修正統六年通判劉銘知縣錢貴春廣而新之嘉靖七年主簿季本大修之萬歷十六年知縣陳時霖重修兩廡宏治十二年巡按御史曾昂委通判伍旭建戟門

櫺星門正統五年同知王仕昂遷今址內臨泮池跨以石梁嘉靖十四年典史張謙築以石欄杆街有大影壁僉事雍瀾大書宮牆萬仞四字知縣王鳳刻於壁上

啓聖祠在明倫堂左嘉靖十三年知縣陳位建雍正八年署縣吳觀光重修奉文改爲崇聖祠乾隆十五年知縣顧彝移建在文廟左

揭陽縣志

卷之二

學校

二十一

名宦祠在戟門左

鄉賢祠在戟門右

祭器庫在兩廡下雍正七年知縣陳樹芝置祭器

明倫堂在 先師廟後卽宋遵道堂舊址也洪武三年知縣唐宗義建宏治七年知縣彭惟芳教諭鄭昇新之而規制益宏嘉靖三年毀於颶主簿季本重修萬歷十六年兵備道王民順增高三尺明季廢康熙三十七年知縣蔡端重建

進德修業兩齋翼明倫堂之左右天順七年知縣陳爵建嘉靖七年主簿季本修明季廢

號房一十八間天順七年知縣陳爵建嘉靖七年主簿季本重建在東廡後者六座每座三間在西廡後者四座各一間在饌堂左右

者共七間在兩廡北者各四間明季俱廢

饌堂在尊經閣之北正堂三間學倉二間主簿季本建堂後有小房五間知縣薛炳建明季廢

敬一亭在儒學門內之左知縣舒國光建嘉靖四十一年知縣彭文質重修并濬櫺星門前水遙通馬山窖明季廢乾隆十六年知縣顧彝重建在崇聖祠前

尊經閣在明倫堂北宏治中知府葉元玉建主簿季本修知縣王鳳署縣推官鄭良璧先後重葺萬歷四十八年知縣曾應瑞重建康熙二十五年知縣鄭濂修

魁星亭在東號房左萬歷四十二年教諭周勝宗訓導溫履端姚育秀修毀於颶天啓四年教諭姚允莊重建乾隆十六年知縣顧彝

揭陽縣志

卷之二

學校

二十二

移建敬一亭左

文昌祠在儀門外北萬歷十六年教諭陳民極建并齋宿房三十一年知縣汪起鳳修康熙三十七年知縣蔡端重建乾隆十六年知縣顧彝移建崇聖祠後

土地祠在儀門外右崇正四年教諭鄧之鳳訓導陳宗器彭懋淳建乾隆十六年知縣顧彝重修

學門在櫺星門左正統中同知王仕昇建知縣陳爵主簿季本先後重修

教諭宅舊在東齋明季廢今教諭住居尊經閣下

訓導宅舊在崇聖祠傍明季久廢雍正七年教諭黎偉光重葺八年訓導陳蕃華增修乾隆十六年知縣顧彝移在忠義祠後

射圃在明倫堂北舊爲鄰民侵沒知府葉元玉清復之中建觀德亭三間左右弓矢庫共六間天啟七年知縣馮元颺建韓昌黎祠於學後并改射圃于韓祠之前堂

臥碑洪武十五年立在明倫堂左雍正九年教諭黎偉光訓導陳蕃華奉文更立順治九年臥碑

忠義祠在文昌閣後雍正三年知縣李景運奉文建乾隆十六年知縣顧彝移建在文廟左

節孝祠在進賢門內雍正三年知縣李景運奉文建

聖殿及兩廡康熙五年教諭黃廷華倡修康熙十七年毀至二十年通邑紳士重建

道德闡奧文治精華二坊康熙四十六年署知縣沈澄重建并濬照

揭陽縣志

卷之二

學校

二十二

牆內腰帶水

大成殿及尊經閣康熙五十九年知縣孫公瑜修雍正六年知縣陳樹芝重修暨兩廡宮牆及明倫堂文昌閣并濬泮池水乾隆十六年二月知縣顧彝見學宮自大成殿戟門兩廡齋廚泮池魁星文昌諸閣牆垣椽瓦多就傾圯倡義通修飭闔邑紳士許登庸等各出貲改建至十八年二月落成恢宏堅緻輪奐一新事詳顧彝碑記見藝文

學租

一慈惠寺田七十三畝五分租穀八十四石萬歷六年僧淨響捐一西洋隴頭二處共田三十一畝租穀五十六石六斗七升除完糧外餘銀四兩七錢零繳縣轉解提學萬歷二十年邑紳陳邦寵捐

一直岐田一十二畝三分租穀二十三石七斗五升萬歷三十年邑人劉以亨捐

一石厝洋等處田一十畝租穀一十二石五斗萬歷三十七年海陽諸生盧明捐

一官溪都鄉園內溝下等處田一十六畝租穀二十七石五斗天啓二年邑諸生羅拱暘捐

一霖田都碧潭鄉園三畝租銀九錢天啓二年邑人李應登捐

一莊厝園後等處田二十三畝八分租穀四十二石三斗天啓二年邑諸生許國昌捐

一藍田都寮前坑田四畝租穀四石崇正元年邑人羅明泰捐

一九龍成中則田一十五畝租穀二十三石康熙五十一年知縣劉

揭陽縣志

卷之二

學校

二十四

錫珽捐

一林花前九龍成中則田一十六畝租穀二十四石康熙五十一年知縣劉錫珽捐

一縣前東畔柵門邊小舖三間租銀二兩一新橋水舖上下四間租銀二兩一北關外關帝廟左右地租銀五錢一東門外城脚地租銀四錢一桃山驛前石碑脚地租銀一兩五錢俱萬歷三十年知縣汪起鳳撥送儒學

一縣前舖六間租銀三兩萬歷中潮陽主簿署縣事鄭惟恕置送儒學

一賣鐵街卽打石巷舖一間租銀一兩二錢五分天啓五年訓導尹守禮置爲朔望通引禮生用

一魁元坊打銅街地一畝造舖五間租銀四兩雍正九年貢生羅孟震捐

一西關外糧舖九間租銀十兩零八錢崇正五年邑紳郭之奇置爲通庠科舉卷費

一梅岡都潘厝洋等處腴田六十畝五分租穀一百石零七斗五升雍正十年知縣陳樹芝捐銀二百三十兩置爲文庠科舉卷費紳士輪流收管

一梅岡都蓮花心等處官荒埔園七頃五十四畝七分八釐零乾隆十八年知縣顧彝詳准陞科遞年租銀一百一十三兩二錢零交歲科五名前文庠生收辦內將八兩爲文昌祭八兩爲魁星祭十兩爲韓祠祭十兩爲榕城院師修脯八兩爲文廟禮生紙筆餘銀六十九兩二錢除完糧外貯爲通庠科舉卷資

揭陽縣志

卷之二

學校

二十五

韓昌黎祠 在學宮之後屋三楹中祀文公配以名臣前爲習射堂後爲文起書院崇正二年知縣馮元麟建并置藍都山浦尾田四十九畝租穀九十九石二斗零每年除祭祀及完糧與守祠人燈油飯食外餘爲諸生科舉卷資康熙三十二年知縣蔡端重建康熙四十一年士民又於祠左建蔡侯祠監生曾宗柱隨捐藍田都徑頭等處糧田寮地共二十畝五分租穀二十一石爲泮蠶

書院 在韓祠右康熙五十九年闔邑士民建爲知縣孫公瑜生祠辭不受以揭爲朱子經遊地又與其祖燭湖先生爲友令並祀焉公瑜隨捐置漁湖白宮枋橋田一十八畝租穀四十三石四斗五升爲館師修脯今歸榕城掌教收管紳士因置漁湖都塗寨鄉菴

尾五江田一十二畝二分五釐租穀一十四石五斗塗寨鄉面前圍田七畝一分租穀十石二斗藍田都華清東圍前後田二十一畝六分租穀四十四石二斗五升曲脚松下寮田一十畝三分租穀一十七石五斗爲春秋祭祀費遞年俱紳士輪管

義學 在進賢門外屋三棟康熙五十六年紳士公建知縣魏國需因於左畔造屋八間租銀三兩爲燈油又明令潘應龍祠已傾圯衆議祀於義學而收其舖租爲祭費今爲潘魏二公祠

榕江書院 在城西魁元坊

乾隆八年知縣張薰買貢生許之翰別業地六畝九分屋一十八間爲學舍後以肄業日多不敷栖止隨添建門樓三間後座五間并繚以周垣除動支充公銀三百一十兩暨之翰義讓銀五十兩

揭陽縣志

卷之二

學校

二十六

外自捐銀三百三十五兩此榕城書院所由昉也後以經費無出不足久遠隨詳請動支充公銀三百兩交在城永盛當商生息爲膏火

乾隆十四年知縣顧彝撥充公銀五十五兩交在城永盛當商生息爲膏火

乾隆二十五年知縣王鑒撥充公銀四十一兩交在城當商生息爲膏火

乾隆三十二年知縣劉業勤倡建奎光樓四十年再任將院宇通撤改造四十一年於西偏又買許氏餘地及附近民居建武書院統計兩院基址周遭直三十七丈八尺橫三十八丈六尺共舍一百五十五間并爲迴廊亭檻池圃雜蒔竹木前後共費銀一萬三

千兩有奇復捐銀二千圓交在城各當商生息爲師生修斧膏火
有記見藝文

榕城書院官荒田地租

一官溪都屯埔田租穀一十二石折倉斛入石七斗六升乾隆十五年知縣顧彝置

一藍田都曾厝園地三十畝八分租銀十兩一錢四分乾隆十五年知縣顧彝撥入

一霖田都文祠前舖地租銀一十八兩乾隆十八年同知署知縣武啟圖撥入

一官溪都桂竹園地五十四畝租銀三兩七錢零九釐乾隆十九年知縣顧彝撥入

揭陽縣志

卷之二

學校

二十七

一藍田都河浦嶺園租銀十二兩六錢零乾隆十九年知縣張甄陶撥入

一地美都錢岡等處墾田九十畝租錢一十八千文乾隆十九年知縣張甄陶撥入

一藍田都夏尾園地四十二畝租銀八兩四錢乾隆二十二年知縣黃元基撥入

一霖田都樹頭池等處埔園地八十二畝一分六釐租銀八兩四錢乾隆二十三年知縣趙長民撥入

一藍田都後坑園地一百五十七畝八分七釐租銀三十一兩五錢六分乾隆二十六年通判署知縣黃大鶴撥入

一霖田都下沙壩舖地租銀四十五兩七錢五分乾隆二十七年通

判署知縣黃大鶴撥入

一藍田都中心埔北坑園租錢四千零四十六文乾隆三十四年知縣劉業勤撥入

一霖田都堤外竹園租銀二兩五錢乾隆三十六年知縣蕭應植撥入

一官溪都白銀洲田九畝九分租銀二兩乾隆三十六年知縣蕭應植撥入

一漁湖都梅兜田二十畝四分租穀四十三石四斗乾隆三十五年知縣蕭應植撥入

一磬溪都白石嶺東山嶺黃岐山塔發塔子嶺五處埔園地一百八十九畝零租錢一十七千一十文乾隆四十年知縣史易撥入

揭陽縣志

卷之二

學校

二十八

一磬溪都石母菴前挨礮石虎地坪西山面前并塔發大寮嶺墟場界內六處埔園地九十九畝八分零租錢九千文乾隆四十年知縣史易撥入

一霖田都石牌園地一百六十畝零租錢一十六千文乾隆四十年知縣史易撥入

一縣署前四俊牌坊脚東畔舖屋一間潘有傑等承批每年納租錢一十二千文爲武書院膏火乾隆四十四年知縣劉業勤撥入

一縣署前四俊牌坊脚西畔舖屋一間陳興學承批每年納租錢一十千文爲武書院膏火乾隆四十四年知縣劉業勤撥入

棉湖社學 在棉湖寨安定門外雍正八年知縣陳樹芝巡檢王秀倡建

桃山義學 在登岡雍正七年貢生黃鼎輔倡建監生陳焜耀捐銀七百餘兩置穀三十餘石爲膏火

鴻溪書院 在鴻溪乾隆七年舉人陳元才建

近聖書院 在儒學文昌閣後乾隆十六年知縣顧彝倡建今訓導暫借爲住宅

藍田書院 在新亭琅山之麓乾隆二十八年知縣王堅倡建并撥磐溪都大嶺鄉官荒埔園地一百二十餘畝租銀二十二兩零爲膏火

梅岡書院 在梅岡山彌勒寺舊址乾隆三十年知縣賀朝冕倡建三十四年知縣劉業勤撥本都蓮花埔官荒湖下田一百餘畝爲膏火

揭陽縣志

卷之二

學校

二十九

蓬州社學 嘉靖十二年千戶尙昂因晏公廟舊址建今割隸澄海東隅大館 在雙峯寺南原府館舊址西隅大館在朝天坊原東嶽廟舊址俱嘉靖初提學副使魏校檄縣改建天啓二年知縣曾應瑞奉文變充邊餉

魁元坊社學

達道坊社學

攀龍坊社學

宣化坊社學

魁隆坊社學

椿桂坊社學

解元坊社學

登雲坊社學

已上各社學俱嘉靖初提學副使魏校檄有司拆毀淫祠改建其在鄉落間者尤不一而足今皆無存雍正七年奉文飭令設立社學訓以官音於司庫存留公項下每社給銀一十二兩爲館師廩餼揭陽九都止七都設立每年請領八十四兩分給乾隆四十年

奉裁諸社學亦廢

典禮

蒞任

蒞任先日致齋於城隍廟凌晨祭城隍遂詣本縣治祭儀門禮畢具公服向東北謝 恩易服受庭參到三日後詣學行香每月朔望首詣文廟關帝廟天后廟次詣城隍廟行香

慶賀

凡遇

萬壽千秋節元旦冬至文武各官俱朝服詣

萬壽宮行三跪九叩禮儀注先期一日設香案於公所至日黎明各官齊集糾儀官一人先行禮立簷下以糾儀大小各官就拜位文

揭陽縣志

卷之二

典禮

三十

東武西

迎春

每歲立春遵照會典迎春於東郊出土牛儀注先期塑造春牛芒神前一日各官常服迎至縣門外土牛向南芒神在東西向立春日早陳設香燭酒菓各官俱朝衣行一跪三叩禮祭畢昇土牛芒神行香亭鼓樂前導各官朝服後隨至東郊各官執綵仗環立土牛兩旁擊鼓各官環鞭土牛三禮畢退按今有司迎春皆前一日朝服於東郊迎昇土牛芒神安設縣治儀門外次日照依立春時刻祀芒神卽於安設原處鞭春又按月令曰季冬之月作土牛以送寒氣示農耕之早晚注云十二月建丑爲牛如立春在十二月望則策牛人近前示農早也在月晦及正月旦則居中示農平也

近月正望則近後示農晚也冬至後辰日歲德方取土桑柘木爲骨長八尺按八節高四尺按四時尾一尺二寸按十二時踏板用衙門陽年左扇陰年右扇牛色以立春日日干爲頭角耳色支爲身色納音爲蹄尾肚色如甲子日立春甲木青色子水黑色納音屬金用白色陽年牛口開尾左繳陰年牛口合尾右繳龍頭拘索有法

芒神本勾芒氏之神爲策牛人俗呼太歲以立春日支爲服色如亥水日黃衣青繫腰之類取支神受尅也置耳鞋袴老少高低鞭法俱取立春年日時并納音祭拜以牛頭向東

祝文

惟神職司五穀恩育三農今屆首春合修祀事伏冀神庥廣庇年

揭陽縣志

卷之二

典禮

三十一

穀順成尙饗

救護

凡遇日月食前期布香案於露臺金鼓列儀門樂人列臺下拜位列露台上下俱嚮日至期陰陽生報日初虧文武官俱朝服贊唱行三跪九叩禮班首官上香各官俱跪班首官擊鼓三聲衆鼓齊鳴再上香各官俱暫起立上香畢各官仍跪以後食甚上香行禮如前陰陽生報復圓鼓樂止各官行三跪九叩禮畢散月食儀注同今所行初虧穿補服食甚穿素服復圓穿蟒服行三跪九叩禮班首官不親擊鼓俱用僧道環誦經咒

鄉飲

明洪武五年奏定禮儀十六年頒圖式大誥酒席銀兩於存留錢糧內支辦

國朝如明制府州縣每歲正月十五日十月初一日於明倫堂行禮

以正官爲主位東南以致仕官員爲大賓位於西北擇年高有德之人或三人或一二人爲僎賓位於東北以次長者爲介賓位西南以賓之次者爲三賓位於賓主介僎之後以教官爲司正以老成生員贊禮前一日陳設坐次司正率執事習禮次日黎明宰牲具饌主人率僚屬司正先至遣人速客客至出迎於庠門外禮生唱主速賓賓西主東三揖至大門揖至儀門揖至階下揖升堂鳴鐘鼓賓主各就位主東南面北賓西北面南僎東北面南介西南面北僚屬學官在主僎之間稍後皆面西衆賓在賓介之間稍後皆面東對行四拜禮畢各就位坐禮生唱司正揚觶引司正由西階升堂正中北向立禮生唱賓僎以下皆立主賓皆起立唱揖主賓皆揖執事者酌酒於觶以授司正司正舉酒曰恭惟朝廷率由

舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭睦宗親外和鄉里無或廢墜以忝所生讀畢司正飲酒畢以觶授執事禮生唱司正揖賓僎以下皆報揖司正復位賓僎以下皆坐執事舉律令案於堂中賓主皆拱立讀者立案北面讀曰大誥鄉飲酒禮序長幼論良賢別奸頑異罪人其坐席高年有德者居於上高年淳篤者并之以次序齒而列其有曾違條犯法之人不許干於善良之席主者若不分別致使貴賤混淆或察知或發覺罪以違制姦頑紊亂正席者全家移出化外讀畢復位執事舉饌案至客前主人獻賓薦脯醢設折俎賓酬主人如之獻介僎介僎酬皆如之訖工人升歌鼓瑟歌鹿鳴飲酒供湯工歌四牡飲酒供湯工歌皇皇者華飲酒供湯笙

入笙奏南陔又奏白華又奏華黍詩歌魚麗笙奏由庚歌南有嘉魚奏崇邱歌南山有台奏由儀於是合樂又奏關雎鵲巢又奏葛覃采芣又奏卷耳采蘋每詩先歌首章飲訖乃徹饌賓主兩拜訖又賓僕介衆賓拜訖送賓三揖出庠門而退

揭陽縣志卷之二

壇祠

制凡建邑分州莫不有祀古之王者設社稷之壇而樹之田主故有王社有國社國社之立所以報功助時祈年敬事也稷爲五穀之長故立神以祀之所以重民食也山川風雨之神所以出雲降雨順成歲事也關帝天后城隍則天下通事也巾明獨三山之神則潮郡獨祀也唐張巡許遠之廟則民建以教忠也外此大祀五法施民勞定國死勤事禦大災捍大難故凡前令有功德於揭者舉得祀也若夫慶賀救護之儀迎春鄉飲之節均編在令甲備而書之俾司民社者敬而弗黷率而勿忘焉

社稷壇 在縣北門外洪武二年縣丞許德建嘉靖四年知縣林孜

揭陽縣志

卷之二

壇祠

移置西門外深一十三丈廣五尺每歲春秋二仲上戊日致祭帛二羊二鴈二籩四豆四簋二簋二設主壇上壇高三尺五寸

祝文

部頒

維神奠安九土粒食萬邦分一邑以表封圻育三農以蕃稼穡恭承守土肅展明禋時屆仲秋春敬修祀典庶芄芄松栢鞏磐石於無疆冀翼翼黍苗佐神倉於不匱尙饗

風雲雷雨山川城隍之神共一壇 在南門外深入丈五尺廣一十七尺洪武二年縣丞許德建成化十年知縣謝寧嘉靖九年知縣舒國光先後重修歲久湮沒天啟間知縣馮元颺率紳士陳光朝等修復之每歲春秋二仲戊日同壇祭風雲雷雨居中帛四山川居左帛二城隍居右帛一祭品與社稷同

祝文

維神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正直良辰敬潔豆籩祇陳牲帛尙饗

雩祭壇

卽在風雲雷雨山川壇

祝文

恭膺 詔命撫育羣黎仰體彤廷保赤之誠勤農勸稼俯維部屋資生之本力穡服田令甲爰頒肅舉祈年之典寅衷將事用申守土之忱黍稷維馨尙冀明昭之受賜來牟率育庶俾豐裕於蓋藏尙饗

揭陽縣志

卷之二

壇祠

二

先農壇 在東門外雍正四年奉文建壇右耳房三間每歲仲春亥日巳時致祭帛一羊一豕一劍一籩四豆四簋二簋二地方官行三跪九叩禮奠瘞畢出詣耤田所田四畝九分計三坵農具赤色耕牛一黑色籽種箱一青色耆老一牽牛農夫一扶犁農童八唱耕耤歌一官捧箱一官播種俱用右手扶犁左手執鞭各行九推禮農夫終畝耕畢同官廳更朝衣望闕行三跪九叩禮 乾隆三年奉文文武各官一體詣壇致祭又雍正六年奉文於先農壇內附入立蜡神位地方官於季冬上戊日致祭其神位則先嗇一司嗇二農三郵表四猫虎五坊六庸七昆虫八

祝文

部頒

維神肇興稼穡粒我蒸民頌思文之德克配彼天念率育之功常

陳時夏茲當東作咸服先疇欽惟 九五之尊歲舉三推之典恭膺守土敢忘勞民謹奉儀章聿修祀事惟願五風十雨嘉祥常沐於神庥庶幾九穗雙岐上瑞頻書於大有尙饗

厲壇 在北門外洪武九年縣丞許德建後移在社稷壇故址地廣九畝歲三祭春以清明秋以七月望冬以十月朔每祭羊三豕三飯米二石香燭酒紙隨用皆奉城隍神主之有告城隍文云普天之下率土之上無不有人無不有鬼人鬼之道幽明雖殊其理則一今國家治民事神已有定例尙念冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒虫所害者有

饑寒交迫而死者有因戰鬪而殞身者有因危急而自縊者有因墻屋傾頽而壓死者有死後而無子孫者此等鬼神或終於前代或沒於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或依草附木或爲妖作怪悲號於星月之下呻吟於風雨之中凡遇人間令節魂杳杳以無歸意懸懸而望祭興言及此憐其悽慘故敕天下有司依期致祭命本處城隍以主此祭鎮按壇場鑒察諸神等類其中有爲良善誤遭刑禍死於無辜者神當達於所司使之還生中國永享太平之福如有素爲兇頑身逃刑憲雖獲善終亦出僥倖者神當達於所司屏諸四夷善惡昭報神必無私牒移城隍獄神吊出獄幽以享祭祀

鄉厲壇 舊制分設各里以祀五土五穀之神每歲二仲月里老致祭用羊一豕一今俱廢乾隆年間邑義民林名遇林時茂黃時應許家甫合置漁湖都鳳宮邊田三畝三分租一十三石以祭無祀鬼神

遺愛祠 在雙峯寺東偏祀明知縣陳爵成化十七年闔邑公建邑人王廷烈復給田五十畝爲歲祀宏治十五年衆議遷於縣前街西預備倉舊址有緣疏勒於碑陰畧曰竊惟效忠全節固臣節之當然立像建祠原民心之永戴不在爲人觀美實乃垂世典型切思先任陳侯存心愛物寬仁得自天生操行超人清謹守爲家數先是地方不靖下車備禦之咸周曰城曰池以築以濬或守或戰維固維精間關三載於兵革之中保障萬全於籌算之內治歷韶揭陽縣志

卷之二

壇祠

四

高二郡澤深潮揭一隅其孰能忘千萬姓赤心恆感夫何以報三十年塑像斯成緣廟頽立於雙峯嫌釋儒淆於一處茲旣擇吉迺欲圖遷尙思工費浩繁惟賴遺黎贊助協成盛美用答勲勞并置祭田四畝五分八釐零租穀五石在桃山都東嶺等處

彭侯祠 在宣化街東祀明知縣彭文質祠前置市廛二間租銀三兩遞年紳士收以供祭

潘侯祠 在雙峯寺左祀明知縣潘維岳雍正二年知縣李景運典史金雋重建今爲潘李合祠乾隆二十七年通判署縣事黃大鶴重脩

李侯祠 在太平橋東祭明知縣李檇祠外有餘地可種植又市廛數間租銀二兩二錢遞年紳士收以供祭

汪侯祠 在學前街祀明知縣汪起鳳有市廛六間租銀九兩宋邢二姓收以供祭

潘侯祠舊 在宣化街祀明知縣潘應龍崇正五年撥鄉約所市廛租銀一兩八錢供祭後圯其租議歸進賢門外義學與知縣魏國需並祀因改義學爲潘魏二公祠

陳侯祠 在東門外祀明知縣陳則采後廢有祀田四畝亦侵沒無存

曾侯祠 在進賢門外祀明知縣曾應瑞今廢

馮侯祠 在韓祠後卽文起書院紳士改建以祀明知縣馮元颺

五賢祠 在雙峯寺右祀明兵備道楊芷知府侯必登同知姚孟賢知縣李仕總兵郭成初有四賢祠在藍田黃寨之雙門亞埔崇正

揭陽縣志

卷之二

壇祠

五

元年知縣馮元颺改建於此增祀姚孟賢有記見藝文

張侯祠 在城隍廟東祀 國朝知縣張曉宇三棟二從屋前有方池一口後像毀於寇僅存牌位及祠

節孝祠 在進賢門內每歲有司春秋致祭祭品部頒與忠義孝弟祠同雍正元年 詔曰旌表節義乃彰善大典每見直省有力之家尙能上達而鄉邨貧窶之人則多湮沒無聞深可憫惻着督撫學臣及有司遍加採訪務使苦寒守節之家同沾恩澤至節婦年逾四十而計其守節已滿十五年以上者亦應酌量旌獎着該部議奏復 詔曰旌表節義給銀建坊民間往往視爲具文未曾建立恐日久仍至泯沒不能使民間有所觀感着於地方公所設立祠宇將前後忠義節孝之人俱標名於其中祭祀以闡幽光而垂

永久六年奉文動項與忠義孝弟祠並建

祝文 部類

維靈純心皎潔令德柔嘉矢志完貞全閨中之亮節竭誠致敬彰
閨內之芳型茹冰蘖而彌堅清操自勵奉盤匱而匪懈篤孝傳徽
絲綸特沛乎 殊恩祠宇昭垂於令典祇循歲祀式薦罇醪尙饗

廟宇

寺觀附

廟者額也所以象生之有朝也古之人思其人而愛其樹尊其人則敬其位况廟乎凡有功德於民皆可祀可祀則可廟不必盡紀在太常揭廟自嘉靖時經提學魏莊渠拆毀之餘所存無幾今仍前志錄之神道設教聖人所不廢也若夫優婆德士儒者弗言而蘭若花宮薪傳轉盛蓋其離塵棄垢之旨亦足儆惡懲頑若云浮屠多能善幻則吾不得而知耳

關帝廟 在北門外萬歷二十九年通判署縣事何景忠建有銅爵銅鶴等器製造精工逾越常制順治四年邑人李抱德等買圍尾池墘屋地七間九年買聚伍菴後舖地三間爲廟祝香油諸費每歲春秋二仲月上戊日及五月十三誕日凡三祭祭品帛一爵三

揭陽縣志

卷之二

廟宇

一

牛一羊一豕一登一鉶一簠二簋二饗十豆十乾隆四十二年冬知縣劉業勤因前基址狹隘捐買附近舖屋廣而深之通行改造計費二千餘兩并增建僧房二棟爲住持越年始落成董事例職劉榮

祝文

部類

維神浩氣凌霄丹心貫日扶正統而彰信義威振九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異績顯佑羣生恭值嘉辰遵行祀典筵陳饗豆几奠牲醪尙饗

三代啓聖祠 在帝殿後雍正三年追封三代公爵曾祖光昭公祖裕昌公父成忠公祭品帛三爵三羊一豕一鉶一簠二簋二歲同

三祭先是三公神位附於廟旁觀音堂乾隆四十三年知縣劉業勤捐修創建

祝文

部頒

維公世澤貽庥靈源積慶德能昌後篤生神武之英善則歸親宜享尊崇之報列上公之封爵 錫命優榮合三代以肇禋典章明備恭逢諏吉祇事荐馨尚饗

關帝德勝廟 在西關外順治十三年因大兵擊退海寇總兵劉伯祿左都督吳六奇建廟以答神庥

城隍廟 在城東解元坊深二十六丈廣八丈洪武二年縣丞許德建正德八年義民宋廷春等新之嘉靖七年主簿季本增脩萬歷三十一年邑人羅經泰倡建前亭及兩旁鐘鼓樓四十五年邑人

揭陽縣志

卷之二

廟宇

二

蔡俊吳以汀謝烈宋汝翼謝燾宋仲勳朱君陳等又修之雍正九年合邑紳士重修歲春秋二仲上戊日合祭於風雷雲雨山川壇乾隆四十三年知縣劉業勤捐俸重修

天后廟 在北關外雍正六年知縣陳樹芝重修日久椽瓦朽壞且規模卑陋乾隆四十二年知縣劉業勤因拓其基址峻其垣墻另行改造後添一樓前造大門又添蓋客廳計買民房及工料銀三千兩有奇并捐銀二百兩交當商生息爲本廟及風火二神祀典儀注與名宦祠同 一在南關外乾隆二年各洋商呈明知縣張薰建廟三棟兩旁從屋大廳一十三間後靠城垣前臨南河橫直十五丈

風神廟 在北關外先是雍正十三年奉文建造至乾隆四十二年

知縣劉業勤始行創建

火神廟 在北門外先是乾隆二十二年奉文建造至四十二年知縣劉業勤始行創建

娘娘廟祀天妃之神在桃山都隆慶三年都督郭成建都御史番禺李義壯爲記見藝文

雷神廟在解元坊康熙初知縣胡鶴翥創建并給廟前香燈鋪四間藍田都溪頭鄉租穀三十石爲住持燈油日食之費廟後建龍起禪院供佛旁祀知縣胡鶴翥乾隆四十四年知縣劉業勤重建董事例職劉榮

元真廟祀北帝之神在魁元坊左邊建菴一棟供佛坊衆吳乃肇等置磐溪都神山下港田五十七畝四分租穀一百零五石爲本廟揭陽縣志

卷之二

廟宇

三

香燈祭祀之費

北帝廟在黃岐山乾隆四十三年知縣劉業勤重建

北帝廟在北關外

東嶽廟在朝天坊中塑唐忠臣張巡許遠像四面環水順治十七年僧佛生募建并置官溪都藍兜溪口二寨田二十二畝四分租穀四十三石零

塗塔宮祀唐忠臣張巡許遠在椿桂坊

雙忠廟在棉湖祀唐忠臣張巡許遠雍正七年紳士建

明貺廟 在霖田都祀巾明獨三山之神隋時三神出現有禱必應因立祠唐韓愈守潮日有祭界石文宋封爲王賜額明貺碑記載

藝文

南海廟祀廣利洪聖王在藍田新亭埠萬歷廿四年建

仁美宮祀三山之神在達道坊

賴蔡宮祀三山之神在魁元坊

北溪宮祀三山之神在魁隆坊

永安廟祀三山之神在西門內

國王宮祀三山之神在東門內後侵爲民居崇正三年邑贈副使郭應試捐貲贖地倡衆建復

介公宮祀晉時介子推在解元坊

昭靈宮祀眞君在縣南基址一畝六分係官溪都鄉賓鄭義戶地

大使宮祀宋指揮使來封三山國王者在北門內

寺觀

雙峯寺舊在磐溪都之雙山宋紹興十年僧法山創建至僧石山移建縣治東馬山巷地爲邑人邢姓所施深五十六丈前廣五十二丈後廣三十二丈週圍界以溝水原田一千畝爲龍溪都陳石壁所施至洪武二十五年歸併寧福花果豐化寶福雙山資福福成各寺田地入本寺號叢林田地塘共二十四頃四十五畝至萬歷十二年僧法釋蕩廢潛逃知縣汪起鳳追復田租四百餘石地塘五十餘畝天啓六年僧妙通又蕩廢而逃時汪起鳳任粵省藩司舉人邢之桂赴控批行知縣馮元飈查追出田地塘共六頃九十畝零被僧又廢 國朝辛酉科舉人陳廷琦陸續查明具控知縣蔡端核實存田五頃七十七畝零住持僧崇如接管寺後有祠祀邢陳二姓施主牌位寺僧應仍舊供祀蓋飲水不忘源之義也

元妙觀在縣治西一里宋紹興中建

寧福寺在朝天坊東嶽前歸併雙峯叢林後復建在東嶽邊順治十六年僧海瓊創地三畝二分前後三棟康熙三十六年知縣蔡端捐修大士閣

準提菴在西門內菱角池僧信見創地基三畝并置磐溪潮林等處田一十二畝

準提菴在縣城後

福田寺在魁隆坊每年抵納倪阿奴虛糧一石一斗二升三合寺廢觀音堂在東關外萬歷中知縣潘應龍創建四十七年重脩崇正二年復脩上有閣康熙三十三年知縣蔡端重脩康熙六十一年鄉紳王宗昌舉人余元起孫耀祖鄭匡夏等捐貲買官溪都伯勞浦

揭陽縣志

卷之二

廟宇

五

下橋等處上田三十四畝一分五釐中田二畝七分共租八十二石乾隆十五年知縣顧彝重脩二十年僧達雲等建造頭座并寺門外右邊石橋一所地主鄉知縣謝嶼

崇壽菴在北關外

三官堂在西關外

進賢菴在進賢門外

龜山菴寺在龜山尾

吉祥寺在地美都小坑村

觀音寺在梅岡都尖山村併歸彌勒寺

景星寺在梅岡都官碩村併歸彌勒寺

福成寺在藍田都琅山村併歸叢林

佑聖堂在藍田都上浦村

羅寨菴在藍田都上洋村宋巡檢羅安建

豐化寺在霖田都員埔村併歸叢林

寶福寺在磐溪都雙山村併歸叢林

資福寺在官溪都石頭村併歸叢林

福田寺在官溪都併歸叢林

花果寺在官溪都併歸叢林

紫峯菴在官溪都帶山一峯灌池一口寺田土名菴前牛寮等處一

十五畝五分貢生楊輔朱生員林聖生同捐住持僧通順

侶雲菴在黃岐山竺岡巖右崇正二年知縣馮元颺墓妾月容黃氏於山前因建菴四棟內懸鐵鐘一座招僧住持另買山下沙港上

埔後等處田三十三畝租五十三石七斗四升每年給菴僧穀二十四石餘爲完糧及祭祀之費

慈濟會堂在朝天坊康熙五十八年義民倡建爲施棺掩骼之所邑人陳學智捐柯厝圍地并園池共三畝六分租銀一兩五錢貢生羅孟震里老謝土豪捐置磐溪都長福象頭西村等處田六十畝入分租一百十五石羅孟震又置藍田都義塚山一所謝土豪又置西門永安橋鋪地二間租銀三兩柯厝圍園池二畝四分租銀一兩六錢五分監生曾士寬捐置柯厝圍園池二畝八分租銀一兩五錢衆義民募置磐溪都洋下薛大溝溪墘子義田一十八畝七分雍正四年五年義士陳貴龍黃應捷陳耀彩監生曾士寬各捐貲施櫟七年貢生羅孟震等建無祀木主祠在東門渡頭置租

募僧廣受住持

德喬菴在霖田都

彌陀菴在北門之外康熙二十六年僧普億添建右邊禪堂基爲邑推官林維翰捨地

樂善菴在霖田都鴻湖乾隆八年舉人陳元才建

福田堂在朝天坊久侵於民

寶陀寺在魁元坊成化間廢

清泉寺在桃山院前村今廢

福明堂在桃山三畝今廢

南和寺在地美都坡尾村今廢

苦竹院在地美都帶山一峯久爲民侵

揭陽縣志

卷之二

廟宇

七

遵道寺在梅岡都尖山後改爲社學今鬻爲民業

彌勒寺在梅岡都洪武二十五年歸併觀音清泉景星三寺共田地

塘一十三頃二十二畝

西峯寺在霖田都湖口村久鬻於民

天慶堂在縣西偏見元三陽志今不可考

團照菴在西門外崇正四年鄉知縣宋兆禴捐地募建今廢

慈濟堂在漁湖都京岡村今廢

福善菴在西關外康熙十二年太史楊鍾岳重建二座僧一心焚修

於此乾隆二十年僧開懋建後樓一座三十五年僧寶林福林建

東西從屋二列三十九年僧圓明修築菴傍灰路首至西門街尾

至許厝埔

福田寺在官溪都石馬山乾隆二十八年僧會司釋志峯偕徒長訓
長哲募建并置官溪桃山梅岡等處糧質上中下田六十五畝三
十八年長訓募修西關外白垠渡前後石路一條并葺兩岸渡亭